



ТОШКЕНТ ҲАҚИКАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган • 2004 йил 25 февраль, чоршанба

№16 (11.611)

Эркин нарҳда сотилади

ОҚСАРОЙДА ҚАБУЛ

Ўзбекистон Республикаси Президенти Ислам Каримов 24 февраль куни Оқсаройда Америка Қўшма Штатлари мудофаа вазири Доналд Рамсфелдни қабул қилди.

Мамлакатимиз раҳбари меҳмонни юртимизга ташрифи билан кутлар экан, ушбу ташриф Ўзбекистон-АҚШ муносабатлари тобора ривожланиб бораётганидан яна бир далолат ва икки томон учун ҳам муҳим аҳамият касб этувчи масалалар юзасидан фикрлашиб олиш учун яхши имконият эканлигини таъкидлади.

Мамлакатларимиз сиёсий, ижтимоий, иқтисодий соҳаларда яқин ҳамкорлик қилиб келмоқда. Бозор муносабатлари ва демократия тамойилларини қарор топтириш ва мустақамлашда ҳам АҚШ Ўзбекистонни қўллаб-қувватламоқда. Булар баробарида икки мамлакат халқаро террорчиликка, наркотик моддалар ва қурол-яроғ контрабандасига, экстремизм ва уюшган жиноятчиликка қарши курашиш борасида ҳам самарали ҳамкорлик қилиб келаётир. Бу йўналишдаги алоқалар ҳарбий ва ҳарбий-техникавий ҳамкорлиқни ривожлантиришда, минтақавий хавфсизлик ва барқарорлиқни мустақамлашда муҳим омил бўлмоқда.

Мамлакатларимиз оммавий қирғин қуролларини, уларнинг таркибий қисмларини, технологияларини ва шундай қурол ясаладиган материалларни тарқатмаслик соҳасида ҳам ҳамкорликни йўлга қўйган. Бу борада мунтазам равишда ахборот ва маълумотлар алмашиб турилади.

Ўзбекистон ва АҚШ ўртасидаги стратегик ҳамкорлик Президент Ислам Каримовнинг 2002 йил март ойида ушбу мамлакатга расмий ташрифи давомида расмийлаштирилган эди. АҚШдан келтирилаётган ҳарбий ускуналар, алоқа, кузатув, аниқлаш ва химоялаш қурилмалари, тиббиёт анжомлари, соҳада ишлатиладиган бошқа замонавий техника ва транспорт воситалари ҳарбий соҳада ҳам алоқалар стратегик шериклик даражасига кўтарилганини кўрсатади. Чунончи, яқинда мамлакатимиз чегарачиларига умумий қиймати 1,1 миллион АҚШ долларидан зиёд транспорт воситалари ва ускуналар тақдим этилди. Бу борадаги ишларни

давом эттириш режаси анча салмоқли ва узоқ муддатга мўлжалланган.

Мамлакатларимиз ҳарбийлари қўшма семинарлар, машқлар ўтказмоқда. Ўзбекистонлик мутахассислар АҚШда малака оширмоқда. Бу кадрлар тайёрлаш борасидаги ҳамкорлик яхши ривожланаётганидан далолатдир.

АҚШ мудофаа вазирининг бу галги ташрифидан мақсад – ҳарбий ва ҳарбий-техникавий ҳамкорлик алоқалари доирасидаги ишлар билан яқиндан танишиш, келгусида биргаликда амалга оширилиши лозим бўлган бошқа тадбирлар борасида фикрлашиб, янги имкониятларни ўрганишдан иборатдир.


Оқсаройдаги суҳбат чоғида икки томонлама алоқалар, минтақа хавфсизлигини мустақамлашга оид масалалар, Афғонистондаги вазият юзасидан фикр алмашилди.

Пентагон раҳбари Д.Рамсфелд самимий қабул учун Президентимизга миннатдорлик билдирди ва Ўзбекистон-АҚШ ҳамкорлиги изчил ривожланиб бораверишини алоҳида таъкидлади.

(ЎЗА).

ЖОЙЛАРДАГИ АҲВОЛ МУҲОКАМА ЭТИЛДИ

Шу йилнинг 24 февраль куни Наврўз умумхалқ байрамига тайёргарлик кўриш ва уни ўтказиш бўйича вилоят ташкилий қўмитасининг навбатдаги йиғилиши бўлиб ўтди. Унда вилоят ҳокимлигининг бўлим, бошқармалари, жамоат ташкилотлари раҳбарлари, шаҳар, туман ҳокимларининг ўринбосарлари, хотин-қизлар қўмиталарининг раислари иштирок этдилар.



Йиғилишни вилоят ҳокимининг ўринбосари, хотин-қизлар қўмитасининг раиси Адиба Аҳмаджонова бошқарди.

Авалло, шунга таъкидлаш керакки, вилоят ташкилий қўмитасининг ҳар ҳафтада ўтказилаётган йиғилишларида Наврўз айёмига тайёргарлик кўриш ва уни ҳар томонлама юқори савияда ўтказиш билан боғлиқ масалалар изчил кўриб борилмоқда ва аниқ вазифалар белгилаб олинмоқда. Бу галги йиғилишда бевосита шаҳар ва туманларда Наврўз тадбирларини ўтказиш юзасидан олиб борилаётган ишлар муҳокама этилди. Ташкилий қўмита аъзолари Ангрен, Оҳангарон, Янгийўл, Бекобод, Чирчиқ шаҳарлари, Оҳангарон, Бўка, Оққўрғон, Чиноз, Зангиота, Куйичирчиқ, Қибрай, Пскент туманлари ҳокимлари ўринбосарларининг ахборотини тингладилар. Уларда асосий эътибор бешта йўналишда олиб борилаётган ишларга, яъни бош майдонларда ўтказиладиган байрам тадбирларининг сифатли ва юқори савияда бўлишини таъминлаш, жойларда ободонлаштириш ва кўкаламзорлаштириш-

ни ташкил этиш, кам таъминланган оилаларга, кексалар ва ёрдамга муҳтож фуқароларга кўрсатиладиган манзилли ёрдамларнинг кўламини, фойдаланишга топшириладиган асосий иншоотлар ҳақида, байрам ўтадиган истироҳат боғлари, сайлгоҳларни безаш билан боғлиқ масалаларга қаратилиб, ҳар бир шаҳар ва туманлардаги аҳволга баҳо берилди, аниқ вазифалар юклатилди.

Йиғилишда шунингдек, вилоят бош санитария-эпидемиология назорати маркази бош врач Маҳмуд Ўлмасов, «Маҳалла» жамоатчилиги вилоят бўлими раиси Тўлқин Миркомиллов, вилоят маданият ишлари бошқармаси бошлиғи Рамзиддин Икромов, вилоят меҳнат, аҳолини ижтимоий муҳофаза қилиш бош бошқармаси бошлиғи вазифасини бажарувчи Турсумат Холбоев ва бошқа қатор бошқарма, ташкилотлар раҳбарларининг Наврўз байрамидан ўтказиш юзасидан олиб борилаётган ишлар ҳақидаги ахборотлари ҳам тингланди.

Йиғилишда кўрилган масалалар юзасидан қўшимча тадбирлар белгиланди.

2004 йил – Меҳр ва мурувват йили

ЯНГИ ТАШАББУС

Қибрай туман ҳокимлиги ташаббуси билан тумандаги мавжуд 14 та фуқаролик йиғинлари ҳудудда Меҳр ва мурувват йилига бағишланган тадбирлар ўтказилмоқда. Шундай тадбирлардан бири «Салор» шаҳарчасида бўлиб ўтди.

Туманнинг қатор давлат ва нодавлат ташкилотлари ҳамда 100 нафардан зиёд саховатпеша кишилари ҳудуддаги ёрдамга муҳтож кишиларга мурувват кўрсатдилар. Шунингдек, бўш вақтини бекор ўтказаяётган ёшларнинг бир қисми хусусий тадбиркорлар кўмагида ўқиш ва касб-хунар ўрганиш ишларига йўналтирилди.

Файрат ШЕРАЛИЕВ.

ТРАНСПОРТЧИЛАР ТУҲФАСИ

«Олмалиқ транспорти» бошқармаси ҳамда хусусий транспортда йўловчи ташувчилар уюшмаси Меҳр ва мурувват йилида иккинчи жаҳон уруши қатнашчилари, биринчи гуруҳ ногиронлари ҳамда кўрлар жамияти шаҳар бўлими томонидан тавсия этилган, жами 100 нафар кишига транспорт хизмати борасида имтиёз яратди.

Мазкур ташаббусга мувофиқ 6 миллион сўмлик қийматга эга «Йўловчи гувоҳнома» жорий этилди. Бундай гувоҳномага эга бўлганлар шаҳар транспортдан бепул фойдаланадилар.

Ойсара ДАДАЕВА.

ЁШЛАР ҲУЗУРИДА

Олмалиқ техника коллежида ёшлар диний экстремистик ва ақиданарастлик таъсири остига тушиб қолишлари ва гиёҳвандликнинг олдини олиш мақсадларига бағишланган давра суҳбати бўлиб ўтди.

«Камолот» ёшлар ижтимоий ҳаракати ва миллий хавфсизлик кенгаши вилоят бўғинлари ташкил этган бу анжуманда 120 талаба иштирок этди. Уларга «Надомат»

ва «Қабоҳат гирдоб» видеофильмлари намойиш этилди. «Виждон эркинлиги ва дин» мавзусида қизгин фикр олишув бўлиб ўтди.

Ю.ЖУМАНИЕЗОВ.



КЎЧАТ ЭКИНГ, БОҒ ҚИЛИНГ!

Шу кунларда вилоятимизда ободонлаштириш ва кўкаламзорлаштириш ойлиги давом этмоқда. Айниқса, Наврўз байрами олдидан жойларда ўтказилаётган умумхалқ ҳашарлари доирасида янги боғлар барпо этилаётганлиги, мевали дарахт кўчатлари экилаётганлиги таҳсинга лойиқ. Айни вақтда хўжаликларда эски боғларга ишлов бериш, тартибга келтириш, шакл бериш жараёни ҳам қизгин.

Қибрай туманидаги «Бураота» ширкат хўжалигида боғларга йилнинг қайси фаслида қандай ишлов бериш, мевали дарахтларни қандай парвариллашнинг ҳадини олган уста боғбонлар кўп. Уларнинг бой тажрибалари ёшлар учун маҳорат

мактаби вазифасини ўтаб келмоқда.

Устоз ва шогирдларнинг ўзаро ҳамкорликдаги саъй-ҳаракатлари билан кузги-қишки мавсумдаги барча агротехник тадбирлар ўз вақтида ва сифатли амалга оширилди. Ҳозирги кунгача 27 гектар боғдаги 90 фоиш мевали дарахтларга шакл бериб бўлинди. Эрта-индин бу муҳим тадбир муваффақиятли якунланади.

СУРАТДА: кекса боғбон Сарсен Бердибоев шогирди Жаббор Кентоев билан сўнги гектарлардаги дарахтларга шакл бераётир.

Даврон АҲМАД олган сурат.

Тағбир

ЖУРНАЛИСТЛАР УЧУН ТРЕНИНГ-КУРС

Ўзбекистон Давлат жаҳон тиллари университети халқаро журналистика факультетида оммавий ахборот воситаларида фаолият юритаётган журналистлардан бир гуруҳига икки кунлик ўқув-тренинг курси ташкил этилди. Машғулот MRC — Tashkent ахборот манбаи маркази, UNESCO ҳамда Ўзбекистон Давлат жаҳон тиллари университети халқаро журналистика факультети ҳамкорлигида ўтказилди.

Тренинг-курс дастурига мувофиқ «Оммавий ахборот воситаларида рақамли технологиялардан фойдаланиш» мавзусида қатнашчилар «Интернет — Журналистлар учун ахборот манбаи сифатида», «Интернетда веб-саҳифалар яратиш технологияси», «Рақамли фото материаллар билан ишлаш технологияси» ҳамда «Мультимедия қомусларини яратиш технологияси» бўйича малака оширишди.

Курс якунида журналистларга сертификат топширилди.

Саид ҲАКИМОВ.

ЯПОНИЯ ҲУКУМАТИНИНГ ЯНА БИР ГРАНТИ

Пойтахтимиздаги халқаро бизнес-марказда Япония ҳукумати кичик ҳажмли ижтимоий лойиҳаларга бегараз ёрдам кўрсатиш дастури доирасида навбатдаги шартномавий грант имзоланди.

Маросимда Ўзбекистон Республикаси халқ таълими вазири Р.Жўраев ҳамда Япониянинг Ўзбекистондаги Фавқулодда ва мухтор элчиси Акио Кавато икки мамлакат ўртасида ижтимоий соҳани ривожлантириш борасидаги ҳамкорлик самарали кечаётганини таъкидлашди.

Умумий қиймати 193,128 минг АҚШ долларига тенг мазкур грант Наманган вилояти Янгиқўрган туманидаги 36-сонли ва Тўрақўрган туманидаги 16-сонли ўрта мактабларни ҳамда Наманган шаҳридаги 26-мехрибонлик уйини таъмирлаш ва замонавий анжомлар билан жиҳозлашга сарфланади. Шунингдек, ушбу маблағдан Янгиқўрган туманидаги "Лола" аёллар ва ёшлар марказидаги инфратузилмани яхшилашда фойдаланиш ҳам режалаштирилган.

ЎЗА.

Нишондорларимиз



ВАТАН ҲИМОЯЧИСИ

Ёшларни Ватан мудофеасига тайёрлаш, уларда ҳарбий малакани чиниқтириш, шунингдек, амалга оширилаётган ислохотлар негизда замонавий армияни шакллантиришда ўз муносиб ҳиссасини кўшаётган Чирчиқ шаҳар мудофаа ишлари бўлими бошлиғи подполковник Дилшод Соатовнинг хизматлари Ватан ҳимоячилари кунда тақдирланиб, «Шуҳрат» медалига сазовор бўлди.

У 1982 йили Тошкент Олий танк қўмондонлик-муҳандислик билим юртига таълим олди. Дилшод оилада 11 фарзанднинг тўққизинчиси эди. Юрт ҳимоячиси бўлиш орзуси тобора кучайиб, мақсадига эришди. Хизмат фаолияти давомида бутун эътиборини ёшлар тарбиясига қаратиб, улар-

да Ватан муқаддас тушунча эканлигини, уни кадрлаш, озодлигини кўз қорачигидек асраш, мардлик ва жасурликни шакллантиришга сарфламоқда. Баҳорги ва кузги мuddатли ҳарбий хизматга ҳамда сафарбарлик чакирув резервидаги чақирув режаларини ҳам ишга амалга оширади.

Ҳозирда Дилшод Соатов икки ўғил, икки қизнинг меҳрибон отаси. Фарзандларида ҳам ватанпарварлик, садоқатлилик туйғуларини шакллантириб, келгусида юртнинг муносиб фарзандлари бўлишлари ундайди.

СУРАТДА: Чирчиқ шаҳар мудофаа ишлари бўлими бошлиғи, «Шуҳрат» медали соҳиби Дилшод Соатов ёшлар билан суҳбатда.

Даврон АҲМАД олган сурат.

Кичик ва ўрта бизнес

«Имкон плюс», «Зебо-98», «Ғайрат» хусусий корхоналари, «Сиро», «Боу Ко ЛТД» кичик корхоналари, «Нур-Фаррух», «Хўжаев Курбон» фермер хўжаликлари — булар Қибрай туманида ўз тармоқлари бўйича етакчи тадбиркорлик тузилмалари ҳисобланади. Бундай кичик ва ўрта бизнес субъектлари рўйхатини яна давом эттириш мумкин.

Уларнинг аксарияти бир маромда ишламоқда. Маҳсулот ишлаб чиқариш ҳажмини мутасил кўпайтириб бормоқда, унинг янги-янги турларини тайёрлашни ўзлаштиришда. Шунинг учун ҳам туман иқтисодий-тибқи салмоғи йил сайин ошаётди. Жорий йил бошига келиб тадбиркорлик тузилмаларининг саноат ишлаб чиқаришидаги улуши эллик фоизга яқинлашиб қолди. Қурилишда бу кўрсаткич 25 фоиз, чакана савдода салкам 85 фоиз, маиший хизматда эса, чорак қисмдан ортиқроғини ташкил этди.

Ўтган йилда янги кичик ва ўрта бизнес корхоналари, тадбиркорлик тузилмалари сони сезиларли кўпайди. Ҳаммаси бўлиб 150 тадан ортиқ шундай янги объектлар рўйхатга олинди. Улар орасида 24 та кичик ва ўрта корхоналар бўлиб, 127 таси микрофирмалардир. Мулкчилик шаклига кўра, уларнинг 74 таси хусусий, 16 таси жамоа корхоналари, 61 таси фермер ва деҳқон хўжаликлари. Бундан ташқари, 400 га яқин жисмоний шахсга яққа тартибда тадбиркорлик фаолияти билан шуғулланиш учун гувоҳномалар берилди. Шундай қилиб, туманда рўйхатга олинган кичик ва ўрта бизнес корхоналари ва микрофирмалар сони 1169 тага етди. Уларда 1692 та янги ишчи ўринлари яратилди.

Туман товар ишлаб чиқарувчилар ва тадбиркорлар палатаси давлат солиқ инспекцияси, деҳқон-фермер хўжаликлари уюмлари, ҳокимият органлари ва бошқа идоралар билан биргаликда тадбиркорлик субъектларини ҳуқуқий ҳимоя қилиш, ишлаб чиқариш фаолиятларини кенгайтириш, рақобатбардор маҳсулотлар тайёрлашни ўзлаштириш ва уларга турли ҳуқуқий маслаҳатлар беришга

катта эътибор билан қарамоқдалар. Палата қошида «Ишонч» телефони ишга туширилди. Ишбилармонлардан тушган ариза ва шикоятлар тегишли идоралар иштирокида тез ҳал қилинмоқда.

Тадбиркорларнинг ҳуқуқий билим ва малакасини оширишга қаратилган чора-тадбирлар, тушунтириш ишлари кенг кўлам-

ган муаммоларни ҳал қилишда фаол қатнашмоқдалар. Биргина ўтган йили 80 тага яқин таъсис ҳужжатларини, 151 та муҳр ва штамп намуналарини тайёрладилар, 160 тадан ортиқ ҳуқуқий маслаҳатлар бердилар. Бевож та тадбиркорлар ҳузурига ташриф буюриш ҳоллари ҳам кўпайди. Жами кўрсатилган консалтинг хизмати пулга чаққанда 6 миллион сўмдан ошди.

Маълумки, ишлаб чиқариш, хизмат кўрсатишни ташкил этиш учун биринчи навбатда жой, бинолар керак бўлади. Туманда тадбиркорлар дуч келадиган бу

ларнинг тўла сотилишига эришиш ҳам муҳимдир. Бунга турли кўргазмалар, кимшоиди савдолари ўтказиш ёрдам бериши мумкин. Шунинг билан олиб, бундай тадбирлар тез-тез уюштирилаяпти. 2003 йилда йигирмадан ортиқ кўргазмалар ташкил этилди. Уларда юзга яқин шартномалар тузилиб, 22 миллион сўмликдан ортиқ маҳсулотлар сотилди.

Янги тадбиркорлик тузилмаларининг барпо этилиши яхши, албатта. Айни вақтда мавжудларини ҳам бутун чоралар билан сақлаб қолиш лозим. Чунки ҳар бирининг ортида инсонлар бор, уларнинг ишсизлар қаторига кўшилиб қолишларига йўл қўймаслик керак. Қибрай туманида эса бундай ҳолнинг бар-тариф этилишига тўла эришилганича йўқ. Ўтган йил давомида қатор кичик ва ўрта бизнес корхоналари ўз фаолиятларини тўхтатдилар.

Туманда ўтказиладиган «Ташаббус» кўрик-танловларида йўналишлар бўйича ғолиб чиққан тадбиркорлик тузилмалари вилоятда ташкил этилаётган шундай беллашувда кўпинча мукофотли ўринларни эгаллаб, туман шарафини муваффақиятли ҳимоя қилмоқдалар. Чунончи, ўтган йилги натижалар бундан далолат беради. Қибрай вакиллари «Ташаббус — 2003» кўрик-танловида йўналишлар бўйича иккинчи ва учинчи мукофотли ўринларни кўлга киритдилар. «Энг яхши ҳунарманд» йўналиши бўйича қибрайлик Маҳмуд Жуманиёзов иккинчи, «Энг яхши фермер» номини олиш учун беллашувда «Нур-Фаррух» фермер хўжалиғи соҳиби Фахриддин Нуримов, «Энг яхши тадбиркор» номини олиш учун бўлган ўзаро курашда «Имкон плюс» хусусий ишлаб чиқариш фирмаси бошлиғи Хусниддин Тўлаганов учинчи ўринларни эгалладилар. Улар бу йил ҳам шу аънанани давом эттиришга астойдил ҳаракат қилмоқдалар.

Мирсобир
МИРҲАМИДОВ.

ИЗЛАНИШДАН ТЎХТАМАСЛИК КЕРАК

да олиб борилаяпти. Қатор мутасадди ташкилотлар билан бирга беш марта семинар-йиғилишлар ўтказилди. Уларда ишбилармонлар янги чиққан қонунлар, фермонлар, қарорлар ва бошқа шу каби директив ҳужжатлар билан таништирилди. Бундан ташқари, республика ва вилоятдаги турли даражада ўтказилган 35 тадан ошди семинар-йиғилишларда қирққа яқин қибрайлик тадбиркорлар қатнашдилар. «Диё-дил» фермер хўжалиғи раҳбари Диёра Абдуллаева Германияда ишга оид янги тажрибани ўрганиб, ўз малакасини оширди. Палата қошида тузилган ахборот-маслаҳат маркази тадбиркорларга турли соҳаларда амалий ёрдам бермоқда. Унинг ходимлари, айниқса, тадбиркорлик тузилмаларини ташкил этиш ва оёққа туриб олишлари, бутун кейинги фаолиятлари давомида ҳам турли қийинчиликларни, юзага кел-

муаммони ҳал қилишга эришилди. Йил давомида умуман ёки қисман бўш ётган иморатлар рўйхатга олинди. Бундай тадбир туфайли 300 тадан ортиқ бекор жойлар борлиги аниқланди. Уларнинг 282 таси ижара шартномаси билан тадбиркорларга фойдаланиш учун турли мuddатларга берилди. Бу иш ҳамон давом этмоқда.

Туманда фаолият кўрсатаётган тижорат банклари бўлинмалари ҳам кичик ва ўрта бизнес, хусусий тадбиркорликни ривожлантиришда фаол қатнашмоқда. Улар бундай тузилмалар учун кредит маблағлари ажратишнинг янги тартибига тўла амал қилишяпти. Ўтган йили 85 нафар тадбиркор барча тижорат банкларидан 583,4 миллион сўм кредит олди. Бунинг 177,3 миллион сўми 38 нафар ишбилармонга имтиёзли тарзда берилди.

Тадбиркорлик тузилмаларида ишлаб чиқарилаётган маҳсулот-

Янги марказ

Пойтахтимиздаги «Kapital-bank» ўзининг бешинчи чакана хизматлар кўрсатиш марказини очди. «Шуҳрат» деб аталган бу марказ Чилонзор ва Акмал Икромов туманлари аҳолисига хизмат кўрсатади. Банк режа асосида шаҳарнинг турли бурчакларида бундай марказлар тармоғини ташкил этмоқда. Ана шу тарзда банк «мижозга яқин бўлиш» тамойили бўйича фаолият юритишга интиломоқда.

Янги муассасада юридик ва жисмоний шахслар бугунги кунда 190 мамлакатни бирлаштирувчи Western Union пул ўтказиш тизими хизматидан фойдаланиши мумкин.

— Шаҳримиз аҳолиси Western Union тизимининг қулайлигини яхши билади, — дейди «Шуҳрат» маркази директори Бахтинур Нурмуҳамедов. — АҚШ доллари ҳисобида чет элга, шунингдек хориждан Ўзбекистонга тез пул ўтказиш телеграф ва почта орқали жўнатиш тизимларига қараганда қулай ҳамда ишончлидир. Қисқа мuddат ичида керакли маблағ белгиланган манзилга ўтказилади. Western Union пул ўтказиш тизими вақтинчалик молиявий қийинчиликларни тезлик билан бар-тариф этади. Биргина ўтган йили банк республикамизга 8 миллион АҚШ доллари миқдорида валюта келиб тушишини таъминлади.

Бошқа марказлардаги каби «Шуҳрат» да ҳам кенг кўламли банк хизматлари кўрсатилади.

ЎЗА.

ТАНЛОВ ЯКУНЛАНДИ

Тошкент давлат Шарқшунослик институтида «XXI аср Ўзбекистон билан Қувайт ҳамкорлигининг истиқболлари» мавзуда ўтказилган танловнинг ғолиблари аниқланди.

Мазкур танлов Тошкент Шарқшунослик институти ва Қувайтнинг Ўзбекистондаги элчихонаси ҳамкорлигидаги ўқитувчилар, магистрантлар ҳамда талабалар ўртасида ўтказилди. Шарқшунослик институтининг профессори Тельман Сатторов ва талабаси Манзура Хусниддинова ғолибликни кўлга киритишди.

Таъкидлаш жоизки, танловда Шарқшунослик институти ва Тошкент Ислоҳ университетининг ўқитувчи ва талабалари қатнашди. Ҳайъат аъзолари танловга тақдим этилган йигирма тўққизта маъруза билан танишиб чиқдилар. Мазкур танлов якунлари Қувайтнинг миллий байрами арафасида якунлангани учун Қувайтнинг Ўзбекистондаги фавқулодда ва мухтор элчиси Валид ал-Кандари жаноблари ҳамма иштирокчиларни тақдирлади.

Дилдора ТОИРОВА,
«Туркистон-пресс».

Аёл, Ойла, Жамият



Тошкент вилояти хотин-қизлар кўмитасининг ойлик саҳифаси №7

КўМИТА БОШҚАРУВИ ЙИГИЛИШИ

Шу йил 24 февраль куни вилоят хотин-қизлар кўмитаси бошқарувининг навбатдаги йиғилиши бўлиб ўтди. Унда кўмиата томонидан 2003 йил давомида амалга оширилган ишлар якуни ҳамда «Меҳр ва мурувват йили» давлат дастурининг ижросини таъминлашда хотин-қизлар кўмиталари олдида турган вазифалар муҳокама этилди.

Йиғилишни вилоят ҳокимининг ўринбосари, хотин-қизлар кўмитасининг раиси Адиба Аҳмаджонова бошқарди.

Вилоят хотин-қизлар кўмитаси раисининг ўринбосари Муҳаббат Шоюсупованиннинг ўтган йилда шаҳар ва туман хотин-қизлар кўмиталари томонидан амалга оширилган ишлар ва навбатдаги вазифа-

ларга бағишланган маърузаси тингланди. Нотиқлар ислохотларни амалга оширишда, баркамол авлодни тарбиялашда аёллар ролини кучайтириш, хотин-қизлар кўмиталари фаолиятини яна ҳам жонлантириш вазифаларига алоҳида урғу беришди. Шунингдек, йиғилишда вилоят хотин-қизлар кўмитаси бошқаруви ҳузуридаги гуруҳлар фаолиятини жонлантириш, Наврўз байрами тантаналари, шаҳар ва туманларни ободонлаштириш ишларида хотин-қизлар кўмиталари иштирокини таъминлаш, бу борада тегишли бошқарма ва бўлимлар олдида турган вазифалар ҳақида ҳам гап борди.

Йиғилиш муҳокама этилган масалалар юзасидан тегишли қарор қабул қилди.

Ўз мухбиримиз.

Вилоят ҳокимлиги хотин-қизлар кўмитаси қошидаги «Ҳамдўстлик» клубида давра суҳбати бўлиб ўтди. Унда хорижий давлатлар элчиларининг рафиқалари ва дипломатик корпус вакиллари, вилоятимиздаги ишбилармон аёллар иштирок этишди.

Тадбир қатнашчилари «Ҳамдўстлик» клуби фаолияти, амалга оширилаётган ишлар билан танишдилар. Шунингдек, мулоқот давомида аёлларнинг жамиятдаги ўрни, тадбиркор хотин-қизларнинг давлат ривожига қўшаётган ҳиссалари ва бошқа мавзуларда қизиқарли суҳбатлар бўлиб ўтди.

Тадбир сўнггида вилоятимиз ҳамда хорижий давлатларнинг тадбиркор аёллари ўртасидаги яқин ҳамкорликни йўлга қўйишда қатор режаларни амалга оширишга келишиб олинди.

Давра суҳбатида вилоят ҳокими ўринбосари, хотин-қизлар кўмитаси раиси Адиба Аҳмаджонова қатнашди.

Равшан ЁҚУБЖОНОВ.

СУРАТДА: тадбирдан лавҳа.

Даврон АҲМАД олган сурат.

ҲАМКОРЛИК КўЛАМИ КЕНГАЯДИ



Тошкент вилояти ҳокимлигида оналик ва болаликни муҳофаза қилиш масалаларига бағишланган ўқув-семинар бўлиб ўтди. Унда вилоят шаҳар ва туманларидан ушбу соҳа шифокорлари иштирок этишди.

СОҒЛОМ АВЛОД ДАСТУРИ ДОИРАСИДА

Машғулоти вилоят ҳокимининг ўринбосари, хотин-қизлар кўмитасининг раиси Адиба Аҳмаджонова бошқарди.

Ўзбекистон Республикаси Вазирлар Маҳкамасининг «Соғлом авлод» давлат дастури, оилада тиббий маданиятни ошириш, аёллар соғлигини мустақамлаш, соғлом авлодни тарбиялаш тўғрисидаги қарорларининг бажарилишини таъминлаш билан боғлиқ масалалар юзасидан атрофлича фикрлашиб олинди.

Туғиш ёшидаги, ҳомиладор аёлларни тиббий кўриқдан ўтказиш, шу жараёнда аниқланган касалликларни даволаб, уларни соғломлаштириш борасидаги вазифалар тилга олинди.

Машғулотда экстрагенитал касаллиги бор ҳомиладор аёлларни замонавий даволаш усуллари, асоратли туғруқларнинг олдини олиш ҳамда климатик даврда бўладиган ўзгаришлар ва уларни даволаш масалалари бўйича Тошкент врачлар малакасини ошириш институти кафедрасининг раҳбари, профессор Мунира Асатова маъруза қилди.

Ўз мухбиримиз.

Қарор ва ижро

ТИББИЙ МАДАНИЯТ ҲАМИША ДОЛЗАРБ

дейди вилоят соғлиқни сақлаш бошқармаси бошлиғининг оналик ва болалик масалалари бўйича ўринбосари

Феруза Раҳматуллаева

— Статистика маълумотларига қараганда, тиббий кўриқдан ўтказилган туғиш ёшидаги аёлларнинг ҳар иккинчиси турли касалликларга чалинган. Бу ҳолатни бартараф этиш учун қандай чоралар кўрилмоқда?

— Тўғри. Агар вилоятимиз аҳолисининг ҳар тўртинчисини шу тоифадаги аёллар ташкил

этишини эътиборга олсак, жиддий равишда соғломлаштирилиши лозим бўлган аёлларимизнинг қанчалик кўп эканлиги ҳақида аниқ тасаввурга эга бўламиз. Шунинг билан олиб, вилоят ҳокимлиги, соғлиқни сақлаш муассасалари бир қатор амалий чоралар кўриш-

(Давоми 5-бетда).

Улар ҳақида кам ёзилган

ЗОБИТ ЛИБОСИДАГИ ТАРБИЯЧИ

— Аввало инсонда виждон, ишида масъулият бўлмоғи керак. Шунда оилада ҳам, халқ орасида ҳам обрў-эътибор топади, — дейди Бўстонлиқ тумани ички ишлар бошқармаси вояга етмаган ёшлар ҳуқуқбузарликлари олдини олиш гуруҳи катта инспектори, милиция катта лейтенанти Ойгул Жарқинова.

Зобит либосидаги аёл билан суҳбатлашиб ўтирибману, унинг ҳар бир сўз оҳангига, хатти-ҳаракатига зимдан назар ташлайман. Ва, унда ўзига хос хислатларни: ишда қатъийлиги бир сўзликни, кечиримлиги касбига бўлган садоқатлилик намоёнлигига амин бўляпман. Бугун ўз саъй-ҳаракатлари, орзу-интилишлари пировардида кенг жамоатчилик ҳурмат-эътиборини

қозонаётган, нафақат туманда, балки вилоят ички ишлар ходимлари орасида ўз бахтини яратаётган серғайрат кадрлардан, десам муболаға бўлмас.

— Асли Украинанинг Черкаси шаҳрида дунёга келганман, — дея изоҳ беради суҳбатдошим. — Отанам шу ердан — товоқсойлик.

(Давоми 6-бетда).

Минбар

Биз мустақилликка эришганимизга қадар «Маънавият» деган тушунчага эътибор йўқ эди. Президентимиз Исроил Каримов маънавиятнинг нақадар қудратли куч экани, усиз жамиятни нузли келажакка бошлаб бўлмаганини атрофлича асослаб беришдан ташқари, «маънавият» сўзининг қанчалик пурмаъно эканини таърифлаб шундай деган эди: «Ер, оила, ота-она, болалар, қариндош-уруғ, кўни-кўшни, халқ, виждон, мустақил давлатимизга садоқат, инсонларга ҳурмат, ишонч, хотира ва эркинлик — бу маънавиятдир».

Президентимиз яна маънавиятга шундай таъриф беради: «Маънавият деганда инсонни руҳий покланиш ва юксалишга даъват этадиган, унинг ички оламини бойитадиган, имониродасини, эътиқодини юксалтирадиган қудратли кучни тушуниш керак».

Бугунги кунда маънавият давлатимиз сиёсатининг асосини ташкил қилар экан, ана шу сиёсатни, ундан кўзланган мақсад ва вазифаларни халқимиз қалбига, онгига синдириб бориш, уларни ота-боболаримиздан қолган ажойиб удуму аёнлар, қадриятларни, мақсадларни, миллий истиқлол гоёсини янада чуқурроқ синдириш борасида маълум мақсадларга эришяпмиз деб ўйлайман. Чунки, биз қайси бир қишлоқ, маҳаллада бирор бир маънавий-маърифий тадбир ўтказмайлик, одамлар биз кутгандан ҳам фаол иштирок этмоқдалар. Ўз фикрларини, таклифларини дадил ўртага ташламоқдалар.

Ўтган йили биз 500 га яқин хонадонда маънавият ва маърифатга доир сўровнома ўтказдик. Натижалар эса ҳайратланарли бўлди. Мен шунда раҳбарларнинг ҳар бир хатти-ҳаракати

ботчиларига айланадилар.

Маънавий тарбия соҳасида марказимиз эришган барча ютуқлар энг аввало бир тан, бир жон бўлиб меҳнат қилаётган меҳнатқаш, заҳматқаш халқимизнинг, қолаверса, бизга ҳам моддий, ҳам маънавий кўмак бераётган раҳбарлари-

КУЧ – МАЪНАВИЙ БАРКАМОЛЛИКДА

халқимиз назарида эканлигига, улардаги онг ва тафаккур тушунчалари гоётда кенглигига яна бир бор амин бўлдим ва шу билан бирга зиммамдаги масъулиятнинг нақадар залворли эканлигини англадим.

Аҳолининг барча қатламларини маънавий тарбиялаш умум иши, бу соҳа ривожига ҳар бир шахснинг, ҳар бир фуқаронинг ўрни бўлиши тақозо этилади. Лекин гап маънавият ҳақида кетар экан, масъулиятнинг энг оғир юки раҳбарлар зиммасига тушади. Маънавиятнинг бутун такомиллини халқ аввало раҳбарларда, мансабдорларда кўриши керак. Ана шундангина маънавият юксалишга кўтарилади. Раҳбарлар эса маънавиятнинг тарғи-

миз меҳнатининг маҳсули деб биламан. Туманда давлатимиз сиёсатини тўғри тушунадиган, ўз зиммасидаги масъулиятни теран англайдиган, юксак савияли, чуқур билимли раҳбарларимиз кўп. Эътибор берсангиз, шундай раҳбарлар ишлайётган жамоаларда ишлар унумли, одамлар аҳилу инोक, кўтаринки кайфиятда меҳнат қилаётдилар. Электр тармоқлари идораси, электр алоқа бўлими, мудофаага кўмаклашувчи «Ватанпарвар» ташкилоти, «Каноп» Ўзбекистон-Чехия кўшма корхонаси, туман халқ таълими бўлими, туман меҳнат бўлими шулар жумласидандир.

Лекин гуруҳ курмасиз бўлмаганидек, тўрт-беш одамнинг бошини қовуштириб, «маъ-

навият соат»ларини ўтиш тугул, 5-10 дақиқа вақт ажратиб, одамларни байрам билан табриклашни ўзларига эп кўрмайдиган раҳбарлар ҳам бор. Ана шундай тасодифий раҳбарлар етакчилик қилаётган жамоаларда ноаҳиллик, ўзибўларчилик ҳоллари яққол кўзга ташланади. Ҳозирги кунда бозор иқтисодиётига ўтиш шароитида халқимиз ўзига хос моддий қийинчиликларни бошидан кечирмоқда. Мана шундай пайтда раҳбарлардаги инсоний фазилат, юксак маънавият гоёт муҳимдир. «Бугдой нонинг эмас, бугдой сўзинг бўлсин», қабилда иш тутиб, ширин сўзлар билан ходимлар кўнгилни кўтарса, уларга маънавий мадад берса, ўйлайманки, бу ҳолатни тўғри тушунадилар. Бунинг акси ўларок, раҳбарнинг нописандлигию беандишалигини кўрган ходимларда норозилик кайфиятлари пайдо бўлмайди, деб ҳеч ким айта олмайди.

Маълумки, маънавият ва маърифат сўзлари мустақил маънога эга бўлган алоҳида тушунчалар бўлиб, бири иккинчисини тўлдириб туради: Маърифат, яъни билим маънавиятнинг асосини ташкил қилади. Маънавият дунёга келиб, ҳали маърифат, маданият, мафкура сўзларини англаб етмасиданоқ инсон онгида пайдо бўлади. Чунки маънавият инсон қалбига олий ҳақиқат нуридир.

Башорат САТТОРОВА,
Маънавият ва маърифат
маркази Пскент туман
бўлимнинг раҳбари,
«Шухрат» медали соҳибаси.

«САЛОҲИЯТ» ЁШЛАР МАРКАЗИ

Вилоят хотин-қизлар қўмитаси қошидаги ёшлар билан ишлаш гуруҳи ташаббуси билан Бўстонлик ҳамда Паркент туманларида «Салоҳият» ёшлар маркази ташкил этилмоқда.

Бундан мақсад вилоятимиздаги иқтидорли ёшларни мана шу марказда бирлаштириб, улар орқали ўсиб келаётган авлодга юртимизда юз бераётган муҳим жараёнларни тарғиб қилишдир.

Шунингдек, бу ерда турли кўнгилоқлар тадбирлар уюштириб туриш ҳам кўзда тутилган. Айни кунларда марказ учун Бўстонлик туманида ажратилган бинони таъмирлаш ишлари ниҳояланмоқда.

Камол ҒАЙРАТОВ.

МОЛИЯ-ИҚТИСОД САБОҚЛАРИ

Аванс (бўнак) — моддий бойликлар бериш, бирор ишни бажариш ёки хизмат кўрсатишдан аввал бериладиган маълум миқдордаги пул тўлови. Аванс кредит беришнинг алоҳида шакли бўлиб, у маҳсулот етказиб берувчилар, иш бажарувчилар ёки хизмат кўрсатувчиларнинг муомаладаги айланма маблағини кўпайтиришга омил бўлади.

Авуарлар — бу атаманинг икки маъноси бор. 1) Кенг маънода — турли активлар (пул маблағлари, чеклар, векселлар, ўтказилган маблағ — аккредитив ва ҳ.к.); бу активлар ҳисобига турли тўловлар амалга оширилиши ва актив эгаларининг қарзлари узилиши мумкин; 2) Тор маънода — банкнинг хорижий банклар ҳисоб варақаларида турган чет эл валютасидаги маблағлари (унинг кассаси, бошқа банклардаги қимматли қоғозлар ва ҳ.к.).

Дефлятор — иқтисодий кўрсаткичларни жорий нархларда ҳисобланган доимий (ўзгармас) нархларга ўтказиш коэффициенти.

Квота — (лот. quot) — ишлаб чиқаришда, маҳсулотларни экспорт ёки импорт қилишда бирлашмага кирган корхоналар ёки ширкатлар учун белгиланган пул улуши.

Контрагент — шартномага кўра муайян мажбуриятларни ўз зиммасига олувчи жисмоний ёки юридик шахс.

Локо — қимматли қоғозлар ёки чет эл валютаси билан бўладиган битим, унга кўра ҳисобкитоб нақд пул билан шу битим тузилган биржада амалга оширилади.

Ринг — тадбиркорлар томонидан қисқа вақтга тузилган шартнома. Ринг фойда қилиш мақсадида бирон-бир молни харид қилиб, кейин уни юқори нархда сотишни аналатади.

Зулфия мукофоти номзодлари

Республикаимизда иқтидорли ёшларни қўллаб-қувватлаш, уларга қўшимча имкониятлар яратиш йўлида жуда катта ишлар қилинмоқда. Бу борада Зулфия мукофоти алоҳида ўрин тутмоқда. Тўрт йилдан буён республикаимиздаги энг иқтидорли қизларимиз беш йўналиш — адабиёт, санъат, фан, таълим ҳамда маданият соҳаларидаги изланишлари ва ютуқлари учун ушбу юксак мукофот соҳибаси бўлиб келмоқдалар. Тошкент вилоятининг ҳам тўрт вакиласи шундай унвонга са-

зовор бўлди. Бу йил юртимизнинг улуғ шоираси номи билан аталувчи ушбу танловнинг республика босқичига вилоятимизнинг энг иқтидорли қизларидан беш нафари чиқди. Улар сафидан санъат йўналиши бўйича Оққўрғон туманидаги «Кувонч» рақс дастасининг қатнашчиси Нилуфар Сайдалиева ҳам ўрин олди. Уч ёшлигидан санъатга меҳр қўйган бу қизалоқ айни кунларда ўзининг иқтидори туфайли нафақат туманда, балки республикада ҳам танила бошлади.

— Эс-эс ёдимда қолган, уч-тўрт ёшлигимда ойнаи жаҳон орқали турли қўшиқлар намоён этилганда ёки машҳур раққосалар рақсга тушганларида, уларга тақлид қилиб, уйнинг бу бурчагидан у бурчагига қараб, югуриб-югуриб рақсга тушардим, — дейди хурсандчилиги туфайли табассумини яшира олмаётган Нилуфар. — 1989 йили онам Сайёра Сайдалиева касби шифокор бўлишига қарамай, туманимизда «Кувонч» рақс дастасини ташкил этди. Менинг рақс оламидаги илк қадамим мана шу волидам ташкил этган дастада бошланди.

Жажжи санъат шайдоси 1990 йилда республикаимизда ўтказилган «Санъат гунчалари» кўрик-танловига қатнашиб, дастлабки ютуққа эришди. Орадан уч йил ўтар-ўтмас «Истеъдод – 93» танловининг вилоят босқичида голиб деб топилди. Санъатга, рақсга бўлган иштиёқ 1997 йили уни Тошкентдаги ўзбек миллий рақс ва хореография олий мактаби эшигига етаклаб келди.

— Бу мактабга киришимда, бир мунча довонлардан ошиб ўтишимга тўғри келди, — дейди ёш раққоса. — Чунки, биринчидан, онам рақсга жуда жуда қизиқсалар-да, отам

«ЎЗБЕГИМ САНЪАТИНИ КЎЗ-КЎЗ ҚИЛСАМ»

санъатдан, айниқса, рақсдан анчагина узоқда эдилар. Шунинг учун ҳам отам рақс мактабига киришимга қаршилик кўрсатдилар. Онам ва менинг ялинишимдан сўнг, отам менга шарт қўйиб, ўз розилигини берди. Яъни агарда ўқишга кира олмасам, қишлоғимиздан бир неча гектар ерни ижарага олиб, фақат ўзим меҳнат қилишим керак эди. Худога шукрим, мен яхши кўрсаткичлар билан мактабга қабул қилиндим.

Нилуфар ва унинг рақс дастаси 1993 йилдан буён мустақиллик, Наврўз байрамларида мунтазам қатнашиб келмоқда.

— Мактабга қабул қилинганимдан сўнг, бир неча ой вақт ҳам ордта қолди. Лекин, номаълум сабабга кўра устозларим менга ёмон баҳолар қўя бошлади, — деди Нилуфар. — Директоримиз вақти-вақти билан таҳсил олаётган қизларнинг

билимлари ва баҳоларини текшириб турар эди. Мана шу жараёнда менинг ёмон натижаларим у кишининг назаридан четда қолмади ва онамни чақиртириб, қайтадан имтиҳон оладиган бўлишди. Имтиҳонда яна ўша натижалар қайд этилса, ўқишдан четлатишларини маълум қилишди. «Наҳотки, орзуим ушалиб, ушбу даргоҳга энди қадам қўйганимда, уни яна тарк этсам», — деб иччимдан сиқила бошладим. Хайриятки, ўн нафарга яқин ўқитувчилар қаршисида рақснинг турли кўринишларидан имтиҳон топшириб, аҳо баҳога лойиқ топилди ва ўқишни давом эттириб, 2002 йили билим юртини имтиёзли диплом билан тугатдим.

Нилуфар Сайдалиева йигирмадан ортиқ танловларда иштирок этиб, бир қанчасида фахрли ўринларга лойиқ деб топилди.

— Мен ҳар бир кўрик-танловда ёки халқаро миқёсдаги тадбирларда қатнашганимда, аввало устозларим Кундуз Миркаримова, Дилафруз Жаборова, Маъмура Эргашеваларнинг рақс санъатидаги маҳоратларини эсга оламан. Рақс мактабидан менга ушбу санъат сирларини ўргатган барча устозларим, айниқса, Ойдин Убайдуллаева, Тоймурод Тикаев, Гулчехра Сарваровалардан бир умр миннатдорман.

Сухбатимиз сўнггида Нилуфар бир варақ қоғозга ўзининг дил сўзларини ёзиб қолдирди: «Ўзбегимнинг рақс санъатини жаҳонга кўз-кўз қилсам, Ўзбекистон аталмиш муқаддас юртимнинг равнақи учун заррача бўлса-да ҳиссамни қўша олсам, ўзимни жуда бахтиёр ҳис этардим».

Асқар КАМОЛОВ,

«Тошкент ҳақиқати» мухбири.




ШИФОКОР БАХТИ

Чирчиқ шахрининг қайси ғўшаси, жамоат жойларига бориб қолгудек бўлсангиз кўз шифокори Лайло Шарипова ҳақида тўлиб-тошиб айтилган қалб сўзларини эшитасиз.

Бунинг боиси бор, албатта. Тиббиёт институтининг кўз касалликлари бўлимини битиргач, кўп ўтмай билими етарли бўлган қайноқ қалб эгаси кўз касалликлари бўйича ишлаш учун Чирчиқ ша-

хар марказий шифохонасига юборилди. Бу ерда эл оғзига тушган шифокор Октябрини Қодирова билан ёнма-ён ишлаш бошлади.

Дардларига даво излаб келаётганлар ширинзабон, меҳри-



Қарор ва ижро

ТИББИЙ МАДАНИЯТ ҲАМИША ДОЛЗАРБ

моқда. Аниқланган касалликлар бўйича аёлларимиз вилоят, шаҳар ва туманларнинг шифохоналарида соғломлаштирилмоқда.

— Соғлиқни сақлаш тизимида ижобий ишлар оз эмас. Шунингдек, муаммолар ҳам. Халқ депутатлари вилоят Кенгашининг сўнгги сессиясида ҳам улар хусусида алоҳида ташвиш билан гапирилди. Айтинг-чи, Феруза Назруллаевна, шу муаммолар қаторида Вазирлар Маҳкамасининг 242-қароридида кўзда тутилган тadbирлар қандай бажарилмоқда?

— Дарҳақиқат, мамлакатимиз раҳбари таъкидлаганларидек, вилоятимизда соғлиқни сақлаш соҳасини ислоҳ этиш бўйича муайян ишлар олиб борилаёпти. Лекин муаммоларимиз ҳам етарли. Президентимиз уларни бартараф этиш вазифаларига бирма-бир тўхталиб ўтдилар. Чунончи, Вазирлар Маҳкамасининг 242-қароридида белгиланган чора-tadbирларнинг йўналишлари кўп. Оилада тиббий маданиятни ошириш, аёлларнинг соғлигини мустаҳкамлаш, соғлом авлод ва уни тарбиялашнинг устуворлигини таъминлаш чора-tadbирларининг мақсадли дастури бизнинг зиммамизга катта вазифалар юқлайди.

Уларнинг аксарияти оиладаги маданиятни кўтариш билан боғлиқ. Ўсмир қизларни тиббий кўриқдан ўтказишнинг кейинги ойлардаги натижалари шундай хулоса асосли эканлигини исботламоқда. Чунончи, тиббий кўриқдан ўтган ҳар тўртинчи ўсмир қизимиз бирор-бир касалликка чалинганлиги аниқланди. Лекин уларни тўла соғломлаштиришга ҳамиша ҳам узил-кесил эришилаётгани йўқ. Бу иш қанчалик муҳим эканлигини ота-оналар ҳамиша ҳам тўла англаб етавермайдилар.

Айни шу жараённинг иккинчи бир қирраси ҳам мавжуд. Бу ўринда никоҳ қайд қилинишидан олдин йигит билан қизнинг росмана тиббий кўриқдан ўтказилиши назарда тутилмоқда. Статистика маълумотларига кўра, ҳозир турмуш қураётган

(Давоми. Боши 3-бетда).

йигит-қизларимизнинг 90-91 фоизи никоҳдан аввал тиббий кўриқдан ўтишаёпти. Афсуски, баъзи оилалар қизлари ёки ўғилларининг касалликларини яшириш учун тиббий кўриқка унчалик рўйхуш бермайдилар. Тиббий кўриқдан ўтмай қурилган оила эса, гоҳи ҳолларда, тез бузилиб кетади. Чунки, пинҳон тутилган касаллик кўп ўтмай ўзини ошкор қилади. Айниқса, хомилдорлик бошланиши билан ирсиятга боғлиқ бундай касалликлар панд беради. Шу ўринда яна бир хулосани айтишга тўғри келади. Вилоят Кенгашининг сессиясида Президентимиз афсусланиб гапирганлари — содир бўлаётган оналар ўлими ҳолатларининг деярли ярми биринчи бор хомилдор бўлган, дастлабки тиббий кўриқка эътиборсизлик қилган, шу боис муайян касаллик ўз вақтида аниқланмаган ёки касаллик турли баҳоналар билан яширилган ҳолатларга тўғри келади. Шу жиҳатдан Ўзбекистон Республикаси Вазирлар Маҳкамасининг «Никоҳланувчи шахсларни тиббий кўриқдан ўтказиш тўғрисидаги Низомни тасдиқлаш тўғрисида»ги 365-сонли қарори алоҳида муҳим аҳамият касб этмоқда.

— Аҳоли ўртасида оналар ўлими бўйича вилоятимиз «олдинги» ўринда эканлиги ҳаммамизда катта ташвиш туғдирмоқда. Узингиз таъкидлаганингиздек, сессияда ҳам бу ҳақда афсус билан гапирилди. Айтинг-чи, бундай ҳолатларнинг олдини олиш борасида нималар қилинмоқда?

— Бу муаммо бир неча масалалар узвийликда ҳал қилиниши билан боғлиқ. Аввало, оиланинг ўзида тиббий маданиятни кўтариш, хомилдор аёлларда вақти-вақти билан шифокорларга мурожаат қилиб, тиббий кўриқдан ўтиб туриш эҳтиёжини тарбиялаш ниҳоятда муҳим. Хомилдор аёлларнинг шифокорларга ниҳоятда кечикиб мурожаат қилиш ҳоллари оз эмас. Туғруқ оралигини сақламоқлик ҳам аёллар саломатлигига жиддий путур етказишни ҳаёт кўрсатмоқда. Демак, ҳар бир оилада тиббий маданиятни

бон шифокорнинг хонасидан бир олам қувонч билан уйларига қайтмоқдалар. Ёши бир ерга бориб қолган, уруш фахрийси Тожибой Миролимов ҳам кўз касаллиги билан шифокор хузурига ташриф буюрди. Отахон ёруғ жаҳонни кўра олмай қолгани ҳақида қайгуриб гапирди. Шифокор унинг кўзларига синчиклаб қарагач:

— Хафа бўлманг, отахон. Бизда бир неча кун даволанганингиздан сўнг кўзингизни равшан қилиб жўнатамиз, — деди Лайло Шарипова.

Шифокорнинг қайноқ меҳр билан айтган бу сўзлари қариянинг руҳини бениҳоят кўтариб юборди. Орадан уч-тўрт кун ўтгач, шифокор айтганидек, отахоннинг кўзлари оламни тиниқ кўрадиган бўлди.

Бу ёш мутахассиснинг хузурига Бўстонлик, Юқоричирчиқ, Қибрай туманлари, ҳаттоки, Самарқанд, Бухоро вилоятларидан ҳам шифо излаб келувчиларнинг кети узилмайди

Рўзимат ДАМИНОВ.
СУРАТДА: Лайло Шарипова операция чоғида.

Акс-садо

«УЙ БЕКАСИ» МАҚОЛАСИНИ ЎҚИБ

«Тошкент ҳақиқати» газетасининг шу йил 7 январь сонидида «Уй бекаси» сарлавҳали мақола эълон қилинган эди. Унда баён этилган мулоҳазалар, кўтарилган муаммолар газетхонларимизни бефарқ қолдирмади. Мақолани ўқиган муштариоларимиз тахририятга мактублар йўллаб, оилада, фарзанд тарбиясида онанинг ўрни, уй бекаларининг ижтимоий ҳаётдаги иштирокини кучайтириш масалалари юзасидан ўз фикр-мулоҳазаларини билдирмоқдалар.

Куйида шу мактубларнинг айримларини эътиборингизга ҳавола қиламиз.

МЕН УЧУН ҚЎЛЛАНМА БЎЛДИ

«Тошкент ҳақиқати» газетаси — вилоятимиз кўзгуси. Унда берилган ҳар бир хабар ва мақолаларни қизиқиб ўқиймиз. Айниқса, «Аёл, оила, жамият» рукни остидаги долзарб масалаларга бағишланган чиқишлар газетхон эътиборини тортади. Вилоят хотин-қизлар қўмитасининг раиси Алиба Аҳмаджонованинг яқинда эълон қилинган «Уй бекаси» мақоласи аёл, она, ўқитувчи сифатида мени бефарқ қолдирмади, албатта. Мақолада кўйилган ҳар бир савол газетхонни мунозарига чорлайди.

Дарҳақиқат, уй бекаси оила тақдирини учун масъул. Ана шу масъуллик уни фидоиликка, ғайрату шижоатга чорлайди. Етти нафар келин олиб, икки қиз узатган қўшни аёлнинг турмушидан, юмушларининг кўплигидан нолиганини эшитган эмасми. Яқинда бўлган бир суҳбатда «менинг соғ юрганам тинимсиз меҳнатимга берилган муқофот» деганини эшитиб, унга янада ихлосим ортди.

Она оиласи учун мисли шам. У фарзандлари йўлини ёритиш учун бутун борлигидан кечишга тайёр. Бунинг эвазига ҳеч нарса талаб ҳам қилмайди. Бироқ, шамдек бўлиш осон эмас. Ундай оналар юксак маънавият, гўзал фазилатлар эгаси бўлмоғи, оиласи шаънини ҳар қандай ҳою ҳаваслардан устун қўймоғи лозим. Шундай оила бекаси бўлган хонадонда тарбия топган фарзанд ёки ардоқли эр жамият учун нақадар зарур. Бундай аёл мутлақо

уй хизматкори эмас, жамиятнинг юксалишида бир омил.

Муаллифни ранжитган танбаллик, боқимандалик ҳозирги куннинг энг оғриқ нуқтаси деб биламан. Ўзбек аёли рўзгорни бут қилиш илнжида турли кўчаларга кирса, шаъни оёқ ости қилинса-ю, ўзбек ўғлонларининг орияти уйғонмаса?! Ёмон кўзлардан, ёмон ниятли кимсалардан ҳимоя қилиш ўрнига, аёлини бозорга юборса?! Бозорга чиққан аёл моддий бойлик кетидан қувиб, миллат шаънини, оналик шаънини эсдан чиқарса? Энг ёмони бундай ҳолларга кўзимиз ўрганиб бораётгани, «тирикчилик-да» деб одатий ҳолдек қараётганимиз эмасми? Замонлар ўзгаради, авлодлар алмашади, бироқ миллатимизнинг ўзимизгагина хос бўлган, ёзилмаган қонунлари бор. Улар гўзал урф-одатларимизда сақланиб қолади. Мен «Уй бекаси» мақоласидан одобнома дарсимда кўлланма сифатида фойдаландим. 11-синф қизлари билан унда кўтарилган масалалар юзасидан баҳслашдик.

Маънавияти юксак, комил инсонни тарбиялаш — ҳаммамизнинг вазифамиз. Зеро: «Маънавий бойлик, моддий бойликдан юз карра устун», — дея уқтиради муҳтарам Президентимиз.

Ойиниса АБДУҚОДИРОВА,
Паркент туманидаги Номданақ
қилшоғи хотин-қизлар
қўмитасининг раиси.

БИЗНИНГ ЎЗ ВАЗИФАМИЗ БОР

«Уй бекаси» мақоласини ўқиганимда, худди мен ҳақимда ёзилган деб, ич-ичимдан ҳис қилдим. Чунки, тақдир тақозоси билан бир неча йилдан буён ҳеч қаерда ишламайман. Уйда ўтириб, турли юмушлар, болалар тарбияси билан бандман.

Балки, шунинг учун ҳам хонадонимизда саранжом-сариятлик ҳукм суради. Турмуш ўртоғимнинг озми-кўпми топган-тутгани рўзгор тебратиш учун етади. Ушбу мақолада келтирилганидек, айрим аёллар ишласа ҳам, зиёли бўлса ҳам, на рўзгор юмушларини жойига қўяди, на топиш-тутишида барака бўлади.

Аксинча, айрим уй бекалари борки, ҳеч қаерда ишламаса ҳам, уйда ўтириб, рўзгорнинг бир чеккасини бутлаб ўтиради. Ёки яна бир мисол: амалдор аёлларимиз бор, ўз иш жойидаги юриш-туриши, муомаласини оилада ҳам давом эттиради. Натижада эса, эр хотинига қарам бўлади ё бўлмаса ораларига совуқчилик тушади. Эр

оилани сақлаб қоламан деб, хотинига қарам бўлиб, кўп юмушларни зиммасига олган тақдирда эса, ўша хонадондаги мутаносиблик бузилади. Чунки, ўзбек оилаларида уй юмушлари, қозон-товоқ эркак киши кўлига ўтдики, бу ерда номақбул вазиятлар келиб чиқади. Лекин, баъзи раҳбар аёлларимиз умуман бошқача бўлади. Идорада ўз вазифасини бажарса, уйда ўз ишларини қойиллатиб, метёрига етказилади. Мана бу оилада осойишталик, файзу барака бўлади. Шунинг учун ҳам доимо ўзбек аёли уй бекаси бўладими, раҳбар бўладими, ўз вазифасини билиб ало этмоғи лозим.

Назира ЮСУПОВА,
Зангиота тумани.

Суҳбатдош:
Жўрабек МУРОДОВ.

Сулола

Ака-ука Шоабдулла ва Шокарим Шоназаровларни Паркентда деярли ҳамма билади. Чунки, уларга кўпчилик бирон-бир юмуш билан мурожаат қилган. Шоабдулла ака ясаган пичоқ, ўроқ, теша ва бошқа буюмлар ҳар бир киши эътиборини ўзига тортмай иложи йўқ. «Оддий темир парчаларидан керакли асбоб-ускуналар яшаш учун иқтидор, қунт ва ҳавас бўлса бас», — дейди уста.

ЎРИК ДАСТАЛИ ТИҒ

Шоабдулла ака тўрт қиз, тўрт ўғилнинг суюкли отаси. Қирқдан зиёд неварая эвараларнинг бобоси бўлишига қарамай, ҳануз ардоқлаган касби билан халқ хизматида. Устанинг ота-боболари ҳам халқ амалий санъати билан шуғулланиб келишган. Шоабдулла ака боболари ҳақида бувасидан эшитган хотираларни шундай эслайди:

— Кунлардан бирида Мулла Мажид бобонинг олдида Майдонтол томондан бир отлик келиб: «Ота, менга шундай кескир қилич ясаб берингки, у занжирни ҳам кессин», — дебди. Мохир уста буюртмани бажонидил қабул қилибди. Худди шундай буюртма Оқсоқота қишлоғида яшовчи яна бир устага ҳам айрилган экан. Кунлар ўтиб, буюртма тайёр бўлган куни ҳар иккала уста ясаган қиличларни синаб кўрмоқчи бўлишибди. Ерда ётган туянинг устига бир

неча қават кигиз ёпишибди ва биринчи бўлиб оқсоқоталик уста қилич солганда, кигизларни ёғ каби кесиб тушибди. Унинг ясаган қиличига кийик шохидан дастак қўйилиб, ниҳоятда дид билан безатилган эди. Бу ҳолатни эл қатори кузатиб турган Мулла Мажид дастаси ўрик шохидан тайёрланган камтарона қиличи уни уялтириб қўймаслиги, тўпланган оломон орасида юзи ерга қараб қолмаслигини тилаб, ҳатто кўзларига ёш келиб турганида: «Қани энди сизнинг хунарингизни кўрайлик-чи...» деган овоздан ўзига келади.

Мулла Мажид бир хайкириб, қилич солганда, бир неча қават кигиз остида ётган туя ҳам инграб юборибди. Қарашсаки, кигизлар ҳам, туя ҳам тенг ўртасидан иккига бўлиниб ётганмиш.

Тўпланган оломон шу тариқа яна бир бор Мулла Мажиднинг маҳоратига тан берган экан. Бу афсона ҳам, ривоят ҳам эмас — бўлган воқеа.

— Авваламбор ота касб, авлоддан-авлодга ўтиб, сайқал топиб келаётган бу ҳунар ма-

шақатли эканлигини биламан, — дейди уста. — Барча болаларимни ҳалол боқдим, тарбия қилдим, нимагаки эришган



«Ташаббус — 2004»

Ўртачирчиқ тумани тадбиркорлари ва фермерлари ўртасида «Ташаббус — 2004» кўрик-танлови бўлиб ўтди. Унда қатор номинациялар бўйича ғолиблар аниқланди.

ЭНГ ЁШИ — ЁҚУБЖОН

Хусусан, «Энг яхши фермер» йўналиши бўйича тумандаги «Саид Овул» фермер хўжалиги мутлақ ғолиб бўлди. «Энг яхши хунарсанд» номинациясида қандолатчи Раънохон Матмусаевнинг қўли баланд келди. Шунингдек, йилнинг «Энг яхши тадбиркори» деб «Рустам-Ёғ» масъулияти чакланган жамияти топилди. Ундан ташқари «Энг яхши солиқ тўловчи», «Энг саховатли тадбиркор» номинациялари бўйича ҳам ғолиблар аниқланди.

Туманда йилнинг «Энг ёш тадбиркори» 17 ёшли Ёқубжон Кенжабоев бўлди. У ўзининг хўжалик моллари дўқонида аҳолига намунали хизмат кўрсатиб келмоқда.

Ғолиблар танловнинг вилоят босқичига йўлланма олдилар.

Иштирокчиларга эсдалик совғалари топширилди.

Рашид РУСТАМОВ.



УЧРАШУВ МАКТАБДА БЎЛДИ

Чирчиқ олий танк кўмондонлик-муҳандислик билим юртида журналистлар билан учрашув бўлиб ўтди. Бу тадбир ҳарбийлар ва оммавий ахборот воситалари вакиллари ўзаро ҳамкорлигига бағишланди

— Очиғини айтиш керак, 1989-1993 йилларда Қуролли Кучларимизнинг аҳволи жуда ночор ҳолга келиб қолган эди, — деди учрашувда муҳофаа вазирининг тарбиявий ишлар бўйича ўринбосари М. Аҳмедов. — Ўша даврларда халқимиз ўз фарзандларини ҳарбий хизматга жўнатишдан очиқчасига бош тортди. Чунки, бу йилларда кўплаб аскарлар майиб-мажруҳ, баъзан нобуд бўлиш ҳолатлари ҳам тез-тез учраб турарди. Халқнинг армия ҳақидаги тасавури, салбийлашишига яна бир омил — оммавий ахборот воситаларида юқоридаги ҳолатларни мунтазам ёритиб борилиши бўлди. Мана ҳозир миллий армиямиз такомиллашиб, қаттиқ тартиб-интизом ўрнатилди. Ҳар бир аскарга етарли шароитлар яратилди. Фақатгина биз мана шу мавжуд шароитлар ҳақидаги маълумотларни бўлажак аскар йигитларимизнинг ота-оналарига етказишимиз керак.



Шунинг учун ҳам, Муҳофаа вазири оммавий ахборот воситалари ходимларига ҳарбий қисмлар, билим юртлари ва мактаблардаги ҳозирги шароитларни мунтазам кўрсатиб бориши керак. Фақат улар томонидан Қуролли Кучларимиздаги ижобий ўзгаришлар, аскарларга яратилган шароитларни газета, журнал, радио ҳамда телевидениеда тўлиқ ва ҳаққоний тарзда ёритиб турсалар, бўлажак ҳарбийлар учун муҳим омил бўлиб хизмат қилади, деган умиддамиз.

Тадбирда сўзга чиққанлар миллий армиямизда амалга оширилаётган туб ислохотлар, хусусан, ҳарбий соҳага оид

бўлсам, барчасига шу касбим орқали эришдим.

Бу сулола вакиллари хусусий тадбиркорлик йўналишида ўтказиладиган турли кўрик-танловларда қатнашиб, совринли ўринларни эгаллаб келаётгани, улардан сабоқ олган шогирдлар номдор усталарга айланаётгани ҳам бежиз эмас.

Равшан ЁҚУБОВ,
Ўзбекистон касаба уюшмалари Тошкент вилоят кенгаши маданий-маърифий ишлар бўлимининг мутахассиси.

СУРАТДА: усталар сулоласининг тўртинчи авлоди Бунёд-жон Шоназаров (ўртада) иш устида.

Sport Haberlari

ЎН УЧ НАФАР
ҒОЛИБ

Тошкент шаҳрида «Турон» якка кураши бўйича республика расмий биринчилиги бўлиб ўтди.

Унда республикамиз вилоятлари ва пойтахтнинг 500дан зиёд спортчилари куч синашдилар. Мусобақада иштирок этган вилоятимиз терма жамоаси биринчилиكنи қўлга киритди. Жамоа таркибида бўлган Тошкент тумани «Турон»чилари эса жамоага энг кўп медаллар шодасини тақдим этган спортчилар деб топилди. Хусусан, 5та олтин, 5та кумуш, 3та бронза медаллари улар ҳиссасига тўғри келди.

Равшан НИҒМАТЖОНОВ.

МАЙДОНДА
ПАРКЕНТЛИКЛАР

Паркент тумани «Бойқозон» ширкат хўжалигидаги спорт мажмуасида туман спартакиада ўйинлари бошланди. Унда ширкат хўжаликлари ёшлари иштирок этмоқдалар.

Дастлабки беллашувлар шохмот-шашка тури бўйича бўлиб ўтди. Унда «Бойқозон» ширкат хўжалиги ёшлари ғолиб бўлдилар. Волейбол бўйича ўтказилган ўйинларда «Гулбоғ» ширкат хўжалиги аъзоларига омад кулиб боқди. Мусобақалар давом этмоқда.

Рустам РАҲИМОВ.

Гандбол

МЕЗБОН
ПЕШҚАДАМ

Пойтахтимизда гандбол бўйича аёллар ўртасида Ўзбекистон чемпионатининг биринчи тур беллашувлари якунланди.

Тошкентнинг «Алгоритм-1» жамоаси жадвалнинг энг юқори поғонасини эгаллади. Кейинги ўринлар Ўзбекистон миллий университети ва «Олмалик» жамоаси гандболчи қизларига насиб қилди.

9-16 март куни ўтадиган иккинчи тур баҳсларига Бухоро шаҳри мезбонлик қилади.

Ў.А.

Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техник жиҳатдан ва молиявий таъминлаш департаментининг Тошкент вилояти ҳудудий бўлими жиноят, фуқаролик ва хўжалик судларининг қарорлари ва ҳукмига асосан, шунингдек, Ўзбекистон Республикаси ҳудудига божхона қонун-қоидаларини бузиб, ноқонуний равишда, яъни контрабанда йўли билан мол-мулк олиб киришда фойдаланилган автомобилотранспорт воситаларининг кимошди савдоси ўтказилишини

ЭЪЛОН ҚИЛАДИ

1. «РАФ-2203» автомобили, давлат рақами 11 L 0696, техник носоз, бошланғич нархи — 500.000 сўм.

Кимошди савдоси 2004 йил 23, 29 март кунлари соат 11.00 да Судлар департаментининг Тошкент вилоят ҳудудий бўлимида, Тошкент шаҳар, Яққасарой тумани, Усмон Носир кўчаси, 93-уйнинг 3-қаватида ўтказилади.

Кимошди савдосида корхоналар, фуқаролар бошланғич нархнинг 10 фоизи миқдоридан тўлов тўлаб қатна-

шишлари мумкин. Кимошди савдосида қатнашиш учун аризаларни қабул қилиш ва рўйхатдан ўтиш Тошкент тумани ЖИБ судининг биносида ҳар куни соат 9.00 дан 18.00 га қадар давом этади.

Манзил:

Тошкент тумани, К. Ғофуров кўчаси, 10-уй, 1-қават, 5-хона.

Маълумот учун телефонлар:

152-73-43, 53-08-78, 8-296-53-718..

ДИН ВА ДАВЛАТ

Тошкентдаги Жаҳон иқтисодиёти ва дипломатия университетида «Давлат ва дин» мавзuida давра суҳбати бўлиб ўтди. Шунингдек Имом ал-Бухорий номидаги республика илмий-маърифий маркази ва Фридрих Эберт жамғармаси томонидан нашр этилган «Ислому дунёвий маърифий давлат» тўпламининг тақдимоти ўтказилди.

Республикамизда виждон эркинлиги, диний бағрикенгликни таъминлаш борасида олиб борилаётган саъй-ҳаракатлар самараси ўлароқ, бугун мамлакатда турли динга эътиқод қилувчиларнинг ўн беш турдаги диний ташкилотлари, конфессиялари фаолият юритмоқда. Гарчи ушбу

ташкilot аъзоларининг миллати ва дини бир-бирдан тубдан фарқ қилсада, аммо уларни ягона мақсад – ватанга, Ўзбекистон республикасига садоқат руҳи бирлаштириб туради.

Давра суҳбатидида бундай учрашувларнинг ўтказилиши ёшлар тарбияси учун муҳим бўлиб,

эътиқод масалаларида ҳолис ва ҳушёр дунёқарашга эга авлоднинг шаклланишида, жамиятимизнинг маънавий тикланишида, давлат ва диннинг вазифаларини ёшлар томонидан аниқ тасаввур қилинишида катта аҳамиятга эга эканлиги эътироф этилди.

Тадбир сўнгидида Имом ал-Бухорий номидаги республика илмий-маърифий маркази ҳамда Фридрих Эберт жамғармаси ҳамкорлигида рус, ўзбек, инглиз, немис, араб ва форс тилларида нашр этилган «Ислому дунёвий маърифий давлат» китобининг тақдимоти ҳам ўтказилди.

Алоуддин ҒАФФОРОВ,
«Туркистон-пресс».

Ҳиндистондан ҳикоя қилади


Ўзбекистон Бадиий академиясининг Марказий кўргазмалар залида "Ҳиндистон — ўзбек рассомлари ижодида" кўргазмаси очилди.

Унда Рўзи Чориев, Турсунали Кўзиев, Алишер Мирзаев, Акмал Икромжонов, Акмал Нур ва бошқа кўплаб мўйқалам усталарининг юздан ортиқ асарлари намойиш этилмоқда.

Ў.А.

СОҲИБИ НЬЮ-ЙОРКЛИК

Колорадо университети профессори Майкл МакДермотт ўзининг «Эндокринология сирлари» китобида келтиришича, шифокорлар томонидан расмий тарзда қайд этилган энг катта қорин нью-йорклик Уолтер Хадсонга тегишли экан. У 175 см бўйи билан 570 килограмм тош босган. Қорнининг ўлчами эса 300 см.га тенг.



ПРОДЮСЕРЛАР ОРЗУСИ


Россиянинг машҳур артистларидан бўлган Николай Басковни продюсерлари бир неча йилдан буён бутун дунёга машҳур қилишни таклиф этишмоқда. Аммо унга битта шарт қўйилган, Басков озиши керак эди. У 92 килограмм бўлиб, ўтган йили 7000 доллар тўлашни афзал билиб швейцариялик шифокорларга қорнидан 16 килограмм ёғни олдириб ташлаганди. Шифокорлар унга овқатдан ўзини тийишни айтишганди. Ўзини овқатдан бенасиб қилишларига Николай кўнмади. Ҳозир у 80 килограмм тош босади.

КОРЕЯДА ЯНА ЯНГИЛИК

Шимолий Корейда 40 ёшдан катта кишиларга мўлжалланган қарилликни секинлаштирадиган ичимлик ихтиро қилинган. Тажрибалар шуни кўрсатдики, ушбу ичимлик ҳақиқатан ҳам иммун тизимини мустаҳкамлайди, мода алмашинувини яхшилаб, қариш жараёнини секинлаштиради.

Бектемир туманидаги 291-мактаб томонидан 1998 йилда Владимир Романович Шин номига берилган 052302 рақамли аттестат йўқолганлиги сабабли **БЕКОР ҚИЛИНАДИ.**

Бектемир туманидаги «Сантех-Усто» МЧЖ (СТИР 203444064) **ТУГАТИЛАДИ.** Давволар 2 ҳафта давомида қабул қилинади. Тел: 195-21-26.



Беғубор болалик. Д. АҲМАД фото-этиди.

Қадриятларимиз

Саломда ажойиб бир сеҳр бордир, Заминида туганмас бир меҳр бордир. Саломга бахиллик қилган кишига, Дилларда нафрату зўр қаҳр бордир. Одамийликнинг юксак фазилат ва хислатлари ичиди энг улуғи саломлашиш маданияти бўлиб, у шунчалар кучли сеҳрга эгаки, «Хатто офтоб ҳам саломдан бош-

эғасидан рухсат сўраш, саломлашишда кечикмаслик ҳам фарз, ҳам қарз бўлиб, у инсон ахлоқи ва одобининг энг олий нишонасидир.

Ҳақиқатан ҳам «Салом» деган бир оғиз сўзнинг заминидида катта маъно бор. У одамларни ўта улуг инсоний ҳурматга чорловчи юксак ахлоқий сифатдир. Қолаверса, ҳар бир инсон зиммасидидаги муқаддас бурч ва масъулиятли вазифадир.

этиборсизлик, менсимасликни билдиради, кишилар ўртасиди гина-қудрат, шубҳа ва адоват уйғотади. Ўзаро ишонсизликни вужудга келтириб, меҳр-оқибат, ҳурмат ва самимий дўстона муносабатларимизга раҳна солиб қўйиши ҳам мумкин. Очиқ чеҳра билан, ўнг қўлни юрак устига қўйиб, самимий таъзим ва эшитиладиган овоз билан салом бериш — энг аъло даражадаги саломлашишга киради.

БИР САЛОМНИНГ САЛМОҒИ

лар йўлини», «Салом янграган ердан ўлим ҳам чекинади», деган нақллар бежиз айтилмаган. Қадимги эртақларда даҳшатли девларнинг «Ҳап, саломнинг бўлмаганда икки ямлаб бир ютардим», — дейиши ҳам саломнинг офату бало-қазолардан сақлаб қолиш қудратига эга эканлигининг далилидир.

Салом — дилларни хушнуд этувчи, кўнгилларни юмшатовчи, душманни дўстга айлантирувчи, қалбларда меҳр уйғотувчи шундай бир бебаҳо руҳий ва шифобахш маънавий озуқаки, у ҳар бир инсон, дўсту биродар ва ҳамкасблар, оилада эса эр-хотинлар ўртасидидаги оқибат, ўзаро ҳурмат, ишонч, самимият, меҳр-муҳаббат ва иззат-икром каби соф инсоний фазилатларни кўркамлаштириб юборади.

Салом бериш, унга алик олиш, бир жойга кириб боришда уй

Салом бериш ва унга алик олишда ёшнинг катта-кичиклигига, таниш ёки нотанишлигига қарамайди. Ҳатто, катта ёшдаги одамнинг ёш болаларга ҳам салом беришлари жоиз экан. Падарибузрукворимизнинг бир гаплари ҳамон эсимда. Машҳур Уста Сайидазим бува иссиқ кунларнинг бирида кўчада фаромуш ҳолда кетаётганларида икки нафар йўловчи устозга салом берибди. Нимагадир алик олмабдилар. Шунда фикрини жамлаб олган уста бува йўловчи йигитлар кетидан етиб бориб: «Ваалайкум ас-салом», — деб алик олиб, йигитлардан узр сўраган эканлар.

Ҳа, салом бермаслик ва унга алик олмаслик катта гуноҳ. У

Гарчанд, қўл бериб сўрашиш саломлашишнинг мукаммали бўлиб ҳисобланса-да, ёши улуг ва аёл киши биринчи бўлиб қўл узатмаса, оддий ва самимий саломнинг ўзи билан чегараланган маъқул. Ўпишиб сўрашиш — эса, шарқона одатларимизга хос бўлмаган кўринишдир. Тўлатўқис ва бекаму кўст саломлашишда катта маъно бор. Баъзан «Салом», «Яхшимисиз», «Тинчмисиз» каби сўзлар билан чегараланиб қўяқоламиз. Ҳақиқий саломлашиш «Ассалому алайкум» ва «Ваалайкум ассалом»дан иборат.

Саломнинг инсон қалбига малҳам бўлиб, дилларни хушнуд этувчи фазилатларга эга эканли-

Донолар бисомидан

- Ўз даражанга муносиб ўринни билиб ўтирсанг, бу ўридан сени ҳеч ким кўзгата олмайди.
- Ҳасад — юракнинг занглаши, қайсарлик — мағлубият сабабчиси.
- Кўрқоқ дўст ёвуз душмандан ёмон.
- Мард ўзидан, номард ўзгадан кўради.
- Аҳиллар оламни олар, ноаҳил оғзидигани олдирад.
- Тентакликнинг энг зарарлиси вақтини зое кетказишдир.

- Яхшилик қўлингдан келмаса, ёмонлик қилишдан сақлан.
- Қалби пок бўлган кишининг ишлари ҳам пок, тоза бўлади.
- Кимнинг ҳиммати баланд бўлса, қадр-ҳиммати ҳам баланд бўлади.
- Биров одоб ўргатса, ўрганмаган кишининг ҳайвондан, узр сўраса қабул қилмаган кишининг шайтондан фарқи йўқдир.

Кумуш ЭГАМБЕРДИЕВА тайёрлади.

ТОШКЕНТ ҲАҚИҚАТИ
ТАШКЕНТСКАЯ ПРАВДА

Муассис
ТОШКЕНТ
ВИЛОЯТИ
ҲОКИМЛИГИ

Бош муҳаррир
Фатҳиддин
МУҲИДДИНОВ

Телефонлар:
Хатлар ва оммавий
ишлар бўлими: 133-40-48.
Эълолар:
133-70-10, 136-53-54.

Манзилимиз:
700000, Тошкент
шаҳри, Матбуотчилар
кўчаси, 32.

Тошкент вилояти ҳокимлиги ҳузуридидаги Матбуот ва ахборот бошқармасида 03-001 рақами билан рўйхатга олинган.
Газета «Тошкент ҳақиқати» таҳририяти компьютер марказида терилди ва саҳифаланди.

• Эълон ва билдирувлардаги факт ҳамда далилларнинг тўғрилиги учун реклама ва эълон берувчилар масъулдир.